

U G O V O R
ugradnja centralnog grijanja u Kući za mlade

Zaključen između:

1. SZD „TERMOLINE“ Sarajevo sa sjedištem u Sarajevu, ulica Humka 29, ID broj: 4301453050003, koju zastupa vlasnik Osmanović Sead („Izvršilac“)

i

2. Kantonalna javna ustanova Dom za djecu bez roditeljskog staranja, ulica Bjelave 52., ID broj: 4200556690000, koju zastupa direktor Saudin Đurđević, („Naručilac“)

Član 1.

Naručilac na osnovu ovog ugovora povjerava Izvršiocu radove ugradnje centralnog grijanja za potrebe objekta “Kuća za mlade”, prema uslovima navedenim u specifikaciji Naručioca i na osnovu prihvaćene Ponude Izvršioca (Broj ponude: 6-09/17 od 15.09.2017. godine) koja je kod Naručioca protokolisana pod brojem 1925/17 dana 15.09.2017. godine

Ponuda Izvršioca je sastavni dio Ugovora.

Član 2.

Ugovorne strane potpisom ovog Ugovora su saglasne da je cijena ugovorena u ponudi Izvršioca i iznosi **6.375,33 KM sa PDV-om**. Naručilac i Izvršilac su saglasni da navedena cijena uključuje troškove materijala, troškove dostave i ugradnje na adresi i po instrukcijama Naručioca.

Član 3.

Naručilac se obavezuje da će cijenu iz člana 2. ovog ugovora platiti na račun Izvršioca na osnovu dostavljene uredne fakture Izvršioca, a prema pravilima trezorskog sistema plaćanja Ministarstva finansija Kantona Sarajevo. Naručilac se obavezuje da će na račun Izvršioca uplatiti avans u iznosu od 70% cjelokupnog iznosa radi nabavke materijala neophodnog za početak izvođenja radova.

Član 4.

Izvršilac nema pravo da naknadno ispostavi račun za bilo kakve dodatne troškove osim u slučaju da Naručilac nakon radova ugradnje centralnog grijanja, ne zatraži izmjene i korekcije na istom.

Član 5.

Naručilac i Izvršilac su saglasni da je rok za završetak planiranih radova koji su specificirani u ponudi 20 (dvadeset) kalendarskih dana.
Izvršilac ima obavezu da obavijesti Naručioca o planiranim radovima ugradnje najmanje 3 dana prije dana predviđenog za ugradnju, a Naručilac je obavezan da oslobodi prostor od svih stvari i omogući pristup Izvršiocu usluga.

Po okončanju radova ugovorne strane će obavezno potpisati zapisnik o primopredaji u kojem će se konstatovati eventualni nedostaci s tim što prigovore na kvalitet izvedenih radova, Naručilac može naknadno dostaviti najkasnije u roku od 60 dana od dana primopredaje.

Član 6.

Ugovorne strane su saglasne da sve ono što nije u ovom ugovoru predviđeno, važe propisi iz Zakona o obligacionim odnosima.

Član 7.

Eventualne sporove proizašle iz ovog Ugovora, ugovorne strane će pokušati riješiti dogovorom, a u slučaju da isti ne mogu riješiti nadležan je Općinski sud u Sarajevu.

Član 8.

Ugovor je sačinjen u 4 (četiri) istovjetna primjerka, od kojih svaka ugovorna strana zadržava po 2 (dva) primjerka.

ZA NARUČIOCA

Broj: 2063/17
Sarajevo, 06.10.2017. god.



ZA IZVRŠIOCA

Osmanović Seza

Broj: 9-10/17
Sarajevo,

06.10.2017.g.